



Universitätsbibliothek Paderborn

**Sancti Bonaventvræ Episcopi Cardinalis Albanensis,
Seraph. Doctoris Ecclesiæ, Speculum Disciplinæ, Et
Profectus Religiosorum: Libelli ad pietatem vtilissimi**

**Bernardus <de Bessa>
Bonaventura <Heiliger>**

Antverpiæ, 1591

De disciplina circa confessionem priuatam. Cap IX.

[urn:nbn:de:hbz:466:1-53148](#)

De disciplina in speciali.

C A P. VIII.

IA M de disciplina in speciali inter fratres & extraneos seruanda videndum. Inter fratres, primò de disciplina circa spiritualia quædam, deinde circa corporalia. Circa spiritualia verò, primò quantum ad amotionem mali, & quantum ad positionem boni. Quo ad amotionem mali, erit primò de disciplina circa confessionem priuatam, deinde circa publicam attendendum. Et cum disciplina per Hugonem (ut dictum est) bona & honesta conuersatio describatur: in dicendis de ea, ad bonitatem simul & honestatem considerationis est oculus dirigendus.

De disciplina circa confessionem priuatam.

C A P. IX.

DE quotidianis offensis, sine quibus hæc vita non dicitur, facienda est confessio: de priuatibus priuata, de publicis publica, & nihilo minus quandoque priuata. Attendendum est de confessione priuata, quibus, quoties, quando, & ubi fieri debeat; & quæ sit circa eam nouis fratribus disciplina seruanda. Debent superiori, vel, si ipse ordinauerit, instructori suo, & non alij, nisi eius in absentia ei tantum, quem superior vel instructor, de superiorum assensu, eis duxerit assignandum, tribus vicibus in qualibet hebdomada vel pluries, secundum quod necesse habuerint, indicto sibi tempore & loco, pro sacramenti reuerentia, cum diligentia confiteri. Nunquam eis placeat vicaria confessoris mutatio, ut nunc vni confiteantur nunc alteri; quin potius, si quando id cogat necessitas, notabilia

*Cui &
quoties sit
confiten-
dum no-
nitio.*

*Confessor
non mu-
tandus.*

tabilia deinde ad principalem referant confessorem. Causa tamen deuotionis, eadem pluribus possunt confiteri. Aliter non est conscientiae ordinatae seu purae, varios querere confessores. Fit tamen salubriter, ut cui de peccatis praeteritis semel generaliter quis est confessus, de quoridianis etiam confiteatur eidem: vel novo si haeserit curatori suorum denuo vulnerum, perfectè aperiat corruptelam. Disciplinā circa confessionē discretio, puritas & reverētia probat. Habeant discretionis cautelam, ut antequam ad confessionem accedant, diligentissimè consideratione præhabita, offensas prius suas speciales, deinde alias, seriatim & breuiter sine culparum & verborum replicatione inuili, prosequentes, confessionem suam sub prima & ultima culpæ nominatione concludant. Aliqua tamen deuotioni interdum, vel conscientiae replicatio indulgetur. Sit & pura confessio, ut confiteatur simpliciter & deuotè, sine excusatione vel accusatione, si ne nominatione alterius, de quibus habuerit conscientiam remordentem. Nec specialia passim sub generalitate pertransiant. Tertios suas & cogitationes malas, nulla ratione occultent: non contemnant modica, ne paulatim defluant ad maiora. In domo namque, quam subintrans radius solis illuminat, quantumcunque fuerit præmundata, atomi nihilominus diligenter intuenti apparent. Sic & cor radiis gratiarum illustratum, etiam minima videt, ac vitiorum laqueos subtili examinatione discernit. Quanto quis fuerit mente purgator, tanto se sordidorem videbit, & maiores causas humilitatis inueniet. Deponendæ tamen sunt scrupulosityates quædam superflue, quæ conscientiam in erroris confusionem inducunt.

Eucl. 19. 8

Simile elegans

Scrupulositas

fatis superflua

ponenda

Reuerentiam non solum interiorum, verum-
etiam

etiam exteriorem decet confitentem habere: ut
suo deferens confessori, se illi siue in elatione
capitis, siue in alia corporis disposizione, si
commodè vitare poterit, non coæquet: sed
flexis genibus, dum confitetur, nudato ac de-
misso capite, sit humiliiter coram eo.

*De disciplina circa confessionem pu-
blicam.*

C A P. X.

OFFENSÆ publicæ publicam (ut di-
ctum est) confessionem requirunt. Circa
quam attendendum est, ubi, de quibus, & qua-
liter fieri debeat. Confessionem huiusmodi fa-
cere debent, aut coram superiore in capitulo
professorum, si adesse liceat & sit moris: aut
coram instructore suo, quando tenet eis capi-
tulum separatum: aut alibi priuatae coram ali-
quo vel aliquibus, si priuatae offendenter cora-
cis. Ante omnia si percepérint se facto vel ver-
bo aliquem vel leuiter offendisse, ante come-
tionem vel dormitionem eum humili stu-
deant satisfactione placare, & in petitione ve-
niæ præuenire: ne alius præueniens de mani-
bus eorum humilitatis mercedem subripiat.
In capitulo professorum statim post Pretiosa,
recommendationibus factis, se de manifesto-
ribus & majoribus offensis accusent: deinde
ipsum capitulum insimul exituri, & ad locum
sibi determinatum, ad quem nō sit secularium
accessus, ituri. Mos tamen iam apud multos
prouidè abnuit, fratres nouos in capitulo satis-
facere professorum: sed pro eorum offensis suus
ibidem proclamat̄ur seu præmonetur instru-
ctor. In secundo capitulo, videlicet instructo-
ribus (quod debet eis tenere duabus vicibus, vel
pluries, si superiori videbitur in qualibet se-
ptimana)

Instructor
nouitios
sepe con-
vocabit.